

نَدْوَةُ ارشَادِ كُنْجَانِيَّةِ

(اوتوز سكرتيجى)

خُلاصَةُ اقوالِ سَيِّدِ

جسر ارگنه رشديه مکتبی معلم اولی قلمی

محمد بهجت

معارف نظارت مجلہ سنک دفعینہ طبع اول نشر

النبی

(قصبہ مطبعہ سی) باب عالی جادہ سنہ نومبر ۲۵

صاحب و ناسری: کتابی قصبہ

۱۳۰۹

# ذکر کتب ارشدیه کتبخانه

(اوتوز سکنزنجیدی)

## خلاصه کتب



از  
جسر ارکنه رشديه مکتبی معلم اولی فلبه لی

محمد بهجت

معارف نظارت مبله سنک رضعتیه طبع اولنشر



## کتابخانه

(قصابار) مطبعه سی — باب عالی ماده سنره نومرد ۲۵

صاحب وناشری: کنایچی قصابار

۱۳۰۹



{ افاده }

بعد ادای ماوجب علینا

عصر معارف حضرت پادشاهیده ترتیب و تحریرینه  
موفق اولدینم شو { خلاصه قواعد فارسیه } رساله جگنی  
اولاد وطنه عاجزانه بر خدمت اولمق اوزره طبع ونشره  
جسارت ایدر و بواثر داعیانه مده کوريله جگ سهو و خطایی  
ارباب معارفدن مطالعه سنه تنزل بیوره حق ذوات کرامک  
قلم غفو ایله تصحیح بیورملرینی تمنی ایلرم. ومن الله التوفیق

جسرار کته رشديه مکني معلم اولی قلبه لی

محمد بهجت

لسان فارسیده حروف هجا یکریمی درتدر:

ا ب پ ج چ خ د ذ ر ز ژ س ش غ ف ک ل م ن  
و ه لای فارسیده «ث. ح. ص. ض. ط. ظ. ع. ق»  
حرفلری بولنمزله «پ چ ژ ک» حرفلری فارسییه مخصوص  
اولدینندن بولنله حروف فارسیه دخی دیرلر فارسیده مذکر  
ومؤنث ایچون ایریجه علامت بولنمدینی کی تثنیه ایچونده  
علامت مخصوصه یوقدر.

فارسیده اعراب اوچ یرده بولنور: {۱} مضافک آخری  
کسر ایله اوقتور «کنار باغ» کی {۲} موصوفک آخری مکسور  
اوقتور «مردنیك» کی {۳} معطوف علیک آخری مضموم  
اوقتور «دادوستاد» کی باقی کلمات فارسیه نك آخرلری ساکن



اوقنور. فارسیده برکله ده برقاچ ساکن جمع اوله بیلور  
«انداخت» کریخت کبی.

بورساله ده کله طقوز قسم اعتبار ایدلایکندن هر بر  
قسم برر بابده بیان اولنه جقدر انشا الله تعالی.

### باب اول اسم یاننده در

اسم ایکی قسمدر: {۱} اسم جنسدر «مرد. شیر.  
سنک» کبی {۲} علمدر «فریدون. شیراز» کبی اسم بسیط  
اولور «آب» کبی یا مرکب اولور «کلاب» کبی اسملر  
کمیت اعتباریله دخی ایکی قسمدر {۱} مفرددر «مردم. خانه»  
کبی {۲} جمعدر «مردمان. خانه ها» کبی.

### قاعده

فارسیده جمع ایکی درلودر اگر جانلی ایسه الفنون ایله  
جعلنور «مرد. مردان. شیر. شیران» کبی و اگر جانسز  
ایسه ها ایله جمع یاییلور «خانه. خانه ها. سنک. سنکها» کبی

فقط نباتاتک جمعی هر ایکسیله ده اولور {۱} «درخت.  
درختان. درختها» کبی و جانلی ایله قائم اولان اسملر دخی  
جعلینی هم «ها» و همده «الفنون» ایله تشکیل ایدرلر  
«چشم. چشمان. وچشمها» کبی جمع یاییله جق اسمک آخرنده  
«ها» ی رسمیه بولنور سه کاف فارسی یه تبدیل اولنور «بنده  
بندگان» کبی مفردلرنده «ان» ایله نهایت بولان اسملر جمع  
صایلمز چونکه معناسنده لر لفظی یوقدر «ندان. زندان»  
کبی اسملرک درت حالی وارد {۱} مجرد حالیدر که اسم کندی  
حالی اوزره قوللانیلوب ترکیبده یامبتدا و یا خود خبر اولور.  
«باغ دلکشاست» کبی بو ترکیبده باغ لفظی مبتدا  
و «دلکشا باغ است» بو ترکیبده ده باغ لفظی خبر واقع  
اولمشدر. {۲} مفعول بهدر که اسمک آخرنه بر «را» علاوه  
اولنور «باغرا دیدم» کبی {۳} مفعول الیهدر که اسمک اولنه  
بر «ب» کتورمکله حاصل اولور «باغ رفتم» کبی.



تبيين

اصل مفعول به ايکي قسمدر : {١} مفعول به صريحدر که اسمک آخرينه بر «را» کتير مکله اولور «قلمرا بشکستم» کي {٢} مفعول به غير صريحدر که اسمک اولنه «از» در «ب» کي اداتلرک کتير لمسيله حاصل اولور «از نامه خواندم» درد بستان بودم. بخانه رقم» کي {٣} «اضافت» حاليدر که اضافت بر اسمي ديگر براسمه ربط ايتمکدن عبارت اولوب برينه مضاف ديکرينه مضاف اليه دينلديکي کي مجموعنه ترکيب اضافي تعبير اولنور.

فارسيده «ترکيب اضافي» مضافه براسره ويريله رک تقديم ومضاف اليه تأخير اولنور «جلد کتاب» کي اضافت ايکي نوعدر {١} لاميه «کتاب زيد» کي {٢} بيانيه «درخت کل» انکشتزر» کي اضافت تشبيهيه واستعاريه لر دخی بيانيه دن صاييلور لر «کعبه دل» لب لعل» قدسرو» کي اگر مضافک آخرنده الف ياخود واو بولنورسه بر يا زياده قلنور.

«صفای باغ» بوی کل» کي وا کر هاي رسميه وياخود يا بولنورسه برهمزه زياده قلنور «سايه بيد» مفتي بلده» کي بعضکره مضافدن کسره اضافي حذف اولنور بو صورته ترکيب اضافي مقطوع دينلور «خواجه سرا» پدر زن» سر رشته» کي بعضاً دخی مضاف اليه مضاف اوزرينه تقدم ايدر اکاده ترکيب اضافي مقلوب دينلور «سمن برک» کي • «اسم زمان» سماعيلدر : «گاه» ان» ستان «اداتلرينک اسمانک اواخرينه» «هنکام» لفظنک مصادر واسمانک اوائلنه کتير لمسيله حاصل اولور «بامدادان» زمستان» شبانگاه» برک ريزان» بهاران» هنکام دانستن» هنکام جواني» کي •

«اسم مکان» بودخی سماعيلدر : بعضکره اسمک آخرينه «گاه» ستان» زار» سار» لفظلرندن بريني کتور مکله اولور «نمازگاه» دانستن گاه» کلستان» کازار» رخسار» کي ولکن بو «ستان» زار» سار» لفظلري مبالغه افاده ايدر لر» بعضکره ده اسمک آخرينه «ش» بن» بار» لالخ» اداتلرينک کتور لمسيله اسم مکان ياپيلور «کلشن» کلبن» جويبار» سنکلاخ» کي •



«اسم آلت» بودخی سماعیدر: بعضکره مصدرک اولنه  
 «آلت» لفظی مضاف قلمغله اولور «آلت رانستن کبی و بعضکره  
 امر حاضرک آخرینه برهای رسمیه علاوه سیله اولور «استره آویزه»  
 «اسم تصغیر»: «چه. ژ. ک. و» ادا تریله اولور «باغچه»  
 مرغک. نیکو. نایژه کبی.

«اسم منسوب» اسمک آخرینه بر «یاء» نسبی الحاقیه اولور  
 «کردنی. شیرازی» کبی.

«اسم تفضیل» اسمک آخریه بر «تر» لفظی علاوه سیله  
 اولور «کنده تر. داننده تر» کبی.

#### باب ثانی صفت یاننده در

صفت ایکی نوعدر: {۱} سماعی «سفید. سیاه. نیک. بد»  
 خوب. زشت» کبی {۲} قیاس فروع افعال و صفات مرکبه  
 واسماء اعداد کبی.

برده صفت یا بسیط اولور «خوش. کج. راست» کبی  
 ویا مرکب اولور «کمانکش. دلبر. زشتخوی» کبی.

فارسیده «ترکیب توصیفی» موصوفه بر اسره ویریلهرک  
 تقدیم وصف تأخیر اولنور مردنیک خانه دلکشا» کبی کرا  
 موصوفک آخرینده حرف املادن الف ویاخود و او بولنورسه  
 بر یا زیاده قنلور صدای بد. عدوی جانخراش» کبی واکر «هاء»  
 رسمیه ویاخود «یا» بولنورسه برهمزه زیاده قنلور «خانه» واسع.  
 والی عادل» کبی

فروع فعل اشاعیده بیان اولنه جفتدن بوراده ذکرندن  
 صرف نظر اولندی.

«صفات مرکبه» اسمک آخرینه بعض ادوات علاوه سیله  
 اولور اوده بش قسمدر:

{۱} ادوات نسبتله در: «ی» خانکی. فرانسوی. «انه» شاهانه  
 «کین» غمکین «ان» جاویدان. جانان. «ور» کنجور. «ین»  
 زنکین. نازنین. «یار» هشیار. کبی {۲} ادوات فاعلیله یاپیلان  
 صفتلر در: «اهنکر. کیا کر. «ی» جنکی. «کار» ستمکار «کار»  
 اموزکار. «بان» باغبان. «وان» کاروان. چوبان. لفظی دخی



بوقیلندرد «آر» خریدار. کبی {۳} صفات لونیه «فام» و «ام».  
کون، کبی اداتلرک علاوه سیله اولور «کلکون» کبی {۴} صفات  
تشبیهه «وار» «پریوار» «وش» «فش» «ماهوش» کبی {۵} ترکیب  
اداتی که اسم وادواتله اولور «همراه» «تاجدار» «نادان» «درهم» کبی.

### وصف ترکیبی

وصف ترکیبی ایکی درلو تعریف اولنور {۱} وصف  
ترکیبی ایکی کلمه نك برلشمسندن حاصل برصفتدر {۲} وصف  
ترکیبی دنیلان ترکیب صفت مرکبه اولیوب انحق کندوسندن  
صفت معناسی اکلاشیلان برنوع ترکیبدن عبارتدر که اقسام  
مشهوره سی درتدر {۱} اضافت بیانیه ده مضافک کسره سی  
حذف اولنوب مضاف و مضاف الیه مجموعندن اولور «سروقد» کبی  
{۲} اضافت لامیه ده مضاف الیه مضاف اوزرینه تقدیم اولنوب  
آخری ساکن قلنور «ماه پرتو» کبی {۳} صفتک موصوفه  
تقدیمیه اولور «سیاه رو» کبی {۴} امر حاضرک اوزرینه براسم  
زیاده سیله اولور «بدخواه» «وقعه نویس» کبی

«ترکیب تعدادی» عددلرک آحادیه عشراتندن یعنی حرف  
عدلدن ترکیب ایدر.

«یست و دو» کبی عدلدن درت نوعدر {۱} اصلیه «یک»  
«دو» «سه» «چهار» «پنج» کبی {۲} وصفیه «یکم» «دوم» «سیوم»  
«چهارم» کبی {۳} کسریه «نیم» «سه یک» «چهار یک» کبی {۴} توزیعیه  
«نیجه نیجه» «یکان یکان» کبی هرلسانده عددلرک استعمالی بر  
اولمدیندن فارسیده یکریمی قدر آحاد مقدم بعده عشرات  
مقدمدر. برده فارسیده عربیده اولدینی کبی یکریمدنصکره  
آحاد ایله عشرات اراسنه برواویازیلور.

### باب ثالث ضمیر یا ندره در

ضمایر اوچ قسمدر: {۱} ضمیر شخصی متصل {۲} ضمیر  
شخصی مفصل {۳} ضمیر اسنادی در.

«ضمیر متصل»: «م. ت. ش. مان. تان. شان» در.

«ضمیر مفصل»: «من. تو. ای. وی. ما. شما. ایشان» در.



من ايله تو ضميرينك نون ايله واوى مفعول صريحده حذف  
اولنور «مرا» ترا» كې .

«ضمير اسنادى» مبتداً ايله خبرك رابطه سنى و فعللرك  
فاعلى بيان ايدن ضمير لر در كه انلره رابطه دخى دينور . «ام .  
اى . است . ايم . ايد . اند» در .

باب رابع اسم اشارت بيانده در

اسم اشاره نك ايكى صيغه سى اولوب قريب ايچون «ان»  
لفظيدر كه زيرو حده الف نون وغير ذير و حده ها ايله جملنور لر  
«اين مرد» آن چيز» كې جملرنده «اينان . انان . اينها . انها»  
ديتلور .

«اين . ان . او» كلمه لر ينك اوللرينه «يا» داخل اولدقده  
همزه لرى داله قلب اولنور «بدين . بدان . بدو» كې ،

باب خامس مبهملات بيانده در

كه	چه	كدام	كو	جكا	كى
كيم	نه	قغنى	نره ده	نره	نصل

خود چند برخى هملمان چندان  
كندى قاج بعض هپ اولقدر كې .  
سائر بونلره مماثل كلمات مبهملات و كنايات قىلندندر .

باب سادس مصدر بيانده در

«مصدر» شول اسمدر كه آخرى «دن» يا خود «تن»  
اوله كردن ، باختن ، كې ايمدى «كودن ، خويشتن ، ابستن ،  
گرددن ، گله لرى مصداق اوليوب اسم جامددر لر مصدر ايكى  
قسمدر : {۱} دالى {۲} تائى مصدر دالیده دالك ماقبلنده . يارنو ،  
لفظنك حاوى اولديغى شو : «ى ، ا ، ر ، ن ، و ، بش حرفدن  
و مصدر تائیده «خسشف» ك جامع بولنديغى شو : «خ ، س ،  
ش ، ف» درت حرفدن برى بولنور فقط «آمدن ، شدن ،  
زدن» كې قاعده يه اويما نلره شاذ ديتلور .

مصدر دالى بش نوعدر : {۱} مصدر دالى يائيدر «رسیدن ،

فهمیدن» كې {۲} مصدر دالى القيدر «افتادن» كې {۳}  
دالى رائيدر «پروردن» كې {۴} دالى نونيدر «افشاندن»



کبی {۵} دالی و اویدر « فرمودن » کبی مصدر تائی درت نوعدر:  
 {۱} خائیدر «اموختن» کبی {۲} تائی شینیدر «خوانستن» کبی  
 {۳} تائی شینیدر «کاشتن» کبی {۴} تائی فائیدر «یافتن» کبی بو  
 صورته انواع مصدر طقوز اولور.

مصدر لر ترکیب جهتله ایکیدر {۱} بسیطدر «کشیدن»  
 رقتن «کی {۲} مرکبدر «برآوردن» دریافتن» کبی فارسیده  
 مصدری مرکب قیلمق قیاسیدر یعنی شو مصدر مرکب قلندی  
 دیو فصحای اعجامدن ایشتمکه حاجت یوقدر «عهد بستن» نیک  
 دانستن. درآمدن. برآمدن. بازی کردن. فرو خوردن» کبی  
 مصدر مرکب کجاء جزء اولی اسم یاخود ادات و جزء ثانیه  
 مصدر اولوب مصدر مفردک جزء اولنه و مرکبک جزء  
 ثانیه تحسین لفظ ایچون «با» داخل اولور و بو با سودی  
 افندی یه کوره هر یرده مکسور او قنور و لکن جمهوره کوره  
 داخل اولدینی کلمه نك اولی مضموم یاخود «با» و یاخود «میم»  
 اولور سه مضموم او قنور «بخوردن» بستان. بمکیدن» کبی

واکر اولی مضموم و یاخود «با» و یاخود «میم» اولیوب مفتوح  
 و یا مکسور اولور سه «با» دخی مکسور او قنور «بدانستن»  
 کبی. علی العموم اسمله داخل اولان بالر مفتوح و فعلله داخل  
 اولان بالر مکسور او قنور. مصدر لرک اولرینه داخل اولان  
 بالر کلام مثورده اولور سه تحسین لفظ ایچون اولور «عدل  
 بدادن بفقرا و اجبست» کبی واکر کلام موزونده اولور سه  
 تکمیل وزن ایچون اولور مصراع «زانکه دشمن را پروردن  
 خطاست» کبی برده مصدر اصلی جعلی نامیله ایکی قسمه منقسم  
 اولور مصدر اصلی «جستن» دانستن» کبی و مصدر جعلی  
 «طلیدن» فهمیدن» کبی واکر مصدرک آخرنده کی نون حذف  
 اولور سه مصدر تحقیفی اولور که مرخم دخی دینور «خرید»  
 فروخت» کبی.

تنیه

« بر. در. باز. وا. فرا. فرو. فرود. فراز » ادواتی اوائل

مصادر و افعاله داخل اولغله بعضا موضوع اولدقلری استعلا



وظرفيت ورجوع كې معاني افاده بعضاً دخي معاني بتون  
بتون دكشدير وياخود محض ضرورت و تزئين ايچون  
اولمش اولورلر.

## فأمره

«خواستن» ه ارادی و «دانستن» توانستن، مصدرلرینه  
اقتدار و «شایستن» امکان و «بایستن» وجوب و «بودن» ه  
فعل ناقص دیرلر. «بودن» شدن، مصدرلرینه فعل عام باقیرینه  
فعل خاص دینور. بعض کره اسمک آخرینه بر یا کتورلد کده  
معنای مصدری حاصل اولور «نیکی» بدی. سروری» کبی  
وامر حاضرک آخرینه ماقبلی مکسور برشین علاوه اولندقدده  
اسم مصدر اولور «روش، دانش» کبی و بعضاً امر حاضرک  
آخرینه های رسمیه علاوه قلندقدده اسم مصدر اولور «نمون»  
نمونه» کبی و مصدر تخفیفیه «ار» لفظی علاوه سیله ده اسم  
مصدر اولور «رفتار» گفتار» کبی.

## باب سابع فعل بیاندره در

«فعل» ماضی شهودی. ماضی نقلی. مضارع. حال. مستقبل.  
امر غائب. امر حاضر. فعل التزامی. فعل اقتداری. فعل تعجب  
نامیله بر طاقم اقسامه تقسیم اولندیغی کبی هر بر لریده ابروجه  
قسملره تفریق ایدلمش بولندیغندن مثبت و منفیلری و اصول  
تصریف و اشتقاقلری مختصراً زیرده بیان اولنور.

## بحث ماضی

«فعل ماضی» درت قسمدر: {۱} ماضی شهودی دینلان ماضی  
مطلقدرکه مصدرلردن ادات مصدر اولان نونی حذف و ماقبلنی  
ساکن قیلمقله اولور مثلاً «کردن» مصدرندن «کرد»  
و «دانستن» مصدرندن «دانست» کبی {۲} فارسیده اکثریا  
اسم مفعول صیغه سیله مشترک بولنان ماضی نقلی درکه ماضی  
مطلقک آخرینه بر «ه» رسمیه علاوه سیله اولور «کرده»  
دانسته» کبی {۳} حکایه حال ماضی فی الماضی دینلان ماضی  
بعیددرکه ماضی نقلینک آخرینه بر «بود» لفظی علاوه سیله



حاصل اولور « کرده بود. دانسته بود » کبی {۴} حکایه حال ماضی در که [\*] ماضی مطلق اولنه بر « می » لفظی کتور لمکله اولور « میکرد. می دانست » کبی فعل ماضینک اولنه بر نون نافیه کلد کده ماضی منفی و جحد مطلق اولور « نکرد. ندانست » کبی ماضی معلومی مجهول یا بمق ایچون اسم مفعولک آخرینه « بر شد » لفظی کتیر یلور { کرده شد. دانسته شد } کبی .

فعل ماضینک مجهولده ادات نفی اولان نون « شد » لفظنه داخل اولور « کرده نشد. دانسته نشد » کبی فارسیده فعل ماضینک معلوم و مجهولنده امثله مطرده سی الی صیغه اولوب اسملری شونلردر : {۱} مفرد غائب {۲} جمع غائب {۳} مفرد مخاطب {۴} جمع مخاطب {۵} مفرد متکلم {۶} جمع متکلم در .

## قاعده

مصدردن نون حذف اولندقدده باقی قالان ماده یه مفرد

[\*] حکایه فعل ماضی یا بمق ایچون ماضی نقلینک مفرد غائبه ( بود ) لفظی علاوه اولنور ( کرده بود. دانسته بود ) کبی و حکایه حال ماضی یا بمق ایچونده ماضینک اولنه ( می ) و یا خود آخرینه ( می ) کتور لمسیله اولور ( میکرد. میدانست ) دینلیدی کبی ( کردی. دانستی ) دخی دینلور .

غائب و « ند » زیاده سیله جمع غائب و « ی » علاوه سیله مفرد مخاطب و « ید » علاوه سیله جمع مخاطب و « م » علاوه سیله مفرد متکلم و « یم » علاوه سیله جمع متکلم صیغه لری حاصل اولور واشبو علامتلا ماضی مجهولده « شد » کلمه سینه و حکایه ماضیده « بود » کلمه سینه علاوه اولنور لر .

## تصریف

## دالیدن

ماضی معلوم

مجهول

کرد	ایتدی.	کرده شد	ایدلدی
کردند	ایتدیلر.	کرده شدند	ایدلدیلر
کردی	ایتدک.	کرده شدی	ایدلدک
کردید	ایتدیکز.	کرده شدید	ایدلدیکز
کردم	ایتدم.	کرده شدم	ایدلدم
کردیم	ایتدک.	کرده شدیم	ایدلدک



## تأیدن

معلوم	مجهول
دانست بیلدی.	دانسته شد بیلندی
دانستند بیلدیلر.	دانسته شدند بیلندیلر
دانستی بیلدک.	دانسته شدی بیلندک
دانستید بیلدیکز.	دانسته شدید بیلندیکز
دانستم بیلدم.	دانسته شدم بیلندم
دانستیم بیلدک.	دانسته شدیم بیلندک

ماضی منقول دخی دیرلر. ماضی منفیک اولنه «هیچ»  
ویا خود «هرگز» لفظی کتورلدکده جحد مستغرق اولور  
«هیچ نکرد» هرگز ندانست» کبی.

## بحث مضارع

فعل مضارع مصدردن مشتقدر. طریق اشتقاقی مصدردن  
نون مصدری حذف واکر مصدر تائی ایسه تا دخی داله  
قلب اولنور. واکر مصدر دالی یائی اولورسه مضارعنده

یا حذف اولنوب یانک ماقبلنده اولان حرف مفتوح قلنور.  
«رسیدن. رسد. فهمیدن. فهمد» کبی فقط شنیدن مصدرینک  
مضارعی خلاف قیاس اوزره «شنود» کلور واکر مصدر  
دالی الفی اولورسه مضارعنده الف حذف اولنور «اقتادن.  
افتد. استادن. استد» کبی واکر مصدر دالی رائی اولورسه  
مضارعنده را مفتوح قلنور «پروردن. پرود. بردن. برد» کبی  
واکر مصدر دالی نونی اولورسه ینه نون مفتوح قلنور  
«راندن. راند. افشاندن. افشاند. خواندن. خواند. ماندن،  
ماند» کبی واکر مصدر دالی واوی اولورسه مضارعنده  
واوالف ایله یایه قلب اولنور «فرمون. فرماید. آلودن. آلاید  
ونمودن، نماید. کبی.

## مصدر تائی

مصدر تائی: خائیده قاعده نون حذف اولنوب تا دخی  
داله قلب اولندقدنصکره خا زایه قلب اولنور «آموختن، آموزد  
وساختن، سازد» کبی واکر مصدر تائی سینی اولورسه مضارعنده



اوج قاعده واردر {۱} سین یایه قلب اولنور «رستن» روید» کبی  
 {۲} هایه قلب اولنور «رستن» رهد. خواستن، خواهد» کبی  
 {۳} مضارعنده سین حذف اولنور «دانستن» داند. مانستن.  
 ماند» کبی ولکن «کستن» مصدرینک مضارعی شاذ اوله رق  
 «کسلد» و «خاستن» مصدرینک «خیرد» کلور واکر مصدر  
 تائی شینی اولور سه مضارعنده شین رایه قلب اولنور «کاشتن»  
 کارد. گذشتن، گذرد. گذاشتن، گذارد» کبی ومصدر شینییه  
 شینک ماقبلنده الف بولنمق قاعده دندر داشتن کبی وبعضله  
 تخفیف ایچون الف حذف اولنور «گذشتن» کبی ولکن «کشتن»  
 کله سی کبی شاذلریده واردر اشبو «کشتن» کله سنده شینک  
 ماقبلنده الف اولمدینی حالده مضارعی کارد کلیور بوکا اوج  
 درلو جواب ویریلور: {۱} شاذدر {۲} کشتن کله سنک اصلی  
 کاشتن در {۳} کشتن کله سنک مضارعی یوقدر. واکر مصدر  
 تائی فائی اولور سه مضارعنده درت قاعده واردر {۱} فایایه  
 قلب اولنور «یافتن» یابد» کبی فاواوه قلب اولنور «رفتن»

رود» کبی {۳} حالی اوزره قالدور «باقتن» بافد» کبی {۴} فایایه  
 قلب اولنور «گفتن» کوید» کبی کرک مصدر دالیسده وکرک  
 تأییده ذکر اولنان قاعده لره مطابق اولمیانلره شاذ دینلور  
 مثلاً «سفتن» کله سنک مضارعی خلاف قیاس اوزره «سنبده»  
 کلیور بوکبی شاذ اولنلره سماعی دخی دینور. ماضی کبی فعل  
 مضارعکده امثله مطرده سی التیدر مضارع معلومی مجهول  
 یایتمده قاعده ماضی نقلی ویاخود اسم مفعولک آخرینه بر «شود»  
 نقلی کتور لکله حاصل اولوب مثبتنده «کرده شود» دانسته  
 شود» ومنفیسنده «کرده نشود» دانسته نشود» دینلور.

## نصریف

## مضارع معلوم

کند	ایدر	کنید	ایدرسکنز
کشد	ایدرلر	کنم	ایدرم
کنی	ایدرسک	کنیم	ایدرز



## مضارع مجهول

کرده شو    ایدیلور    کرده شوم    ایدیلورم  
 کرده شوند    ایدیلورلر    کرده شویم    ایدیلورز  
 کرده شوی    ایدیلورسک  
 کرده شوید    ایدیلورسکز

فعل مضارع «با» ایله «می» دن تجردی زمانده ایکی زمانه  
 دلالت ایدر. اگر مضارعك اولنه «با» داخل اولورسه  
 استقباله مخصوص اولور «بکند، بداند» کبی واکر «می»  
 داخل اولورسه حاله مخصوص اولور «میکند، میداند» کبی.

## مال

«حال» مضارعك اولنه {می} کتورلدکده حال و «نی»  
 لفظی کتورلدکده نفی حال اولور {میکند، نمی کند} کبی فعل  
 مضارعك اولنه بر «نون» نافیه کتورلدکده مضارع منفی و نفی  
 استقبال اولور «نکند، نداند» کبی واکر نفی استقبال اولنه  
 «هرآینه» لفظی کتوریلورسه تأکید نفی استقبال اولور  
 «هرآینه نکند» کبی.

## مستقبل

«فعل استقبال» ماضی شهودینک مفرد غائبه «خواهد»  
 علاوه سیله یاپیلور «خواهد کرد، خواهد رفت. خواهد دانست»  
 کبی منفیسنده «نخواهد کرد. نخواهد رفت. نخواهد دانست»  
 دینلور.

«امر غائب» مضارع صیغه سیله ادا اولنور فرقی قرینه  
 ایله در «کند. داند» کبی بعضکده دال مضارع دن اول بر  
 الف یازیلور «کناد. دهاد. باد» کبی امر غائبك ایکی صیغه سی  
 اولوب مفردنده «کند» و جمعنده «کنند» دینلور.

«نهی غائب» امر غائبك اولنه بر میم ناهیه علاوه سیله  
 یاپیلور «مکند. مکناد» کبی.

«امر حاضر» فعل مضارعك دالنی حذف ایتمکله حاصل  
 اولور «کن. دان» کبی جمعی کینید. دانید» کلور.

«نهی حاضر» امر حاضرك اولنه بر میم ناهیه کتورلمکله  
 اولور «مکن» کبی جمعی «مکنید» در.



«فعل التزامی» ماضی یا مضارعك اولنه «باید» لفظی کتورملکه اولور «باید رفت و باید برود» کبی یالکز ایکنجیسی تصریف اولنور.

تنبيه

اولی همزه اولان افعال و مصادر «ب. م. ن» دن بری داخل اولور سه همزه لری یایه قلب اولنور «بیاموخت. نیاموخت. بیاموزد. نیاموزد. بیاموز. نیاموختن. نیاموختن» کبی.

فعل اقتداری

«فعل اقتداری» ماضی شهودینك اولنه «تواند» یا خود «توان» لفظی کتورملکه اولور {۱} تصریف اولنور {۲} تصریف اولنماز.

فعل تعجب

«فعل تعجب» ماضینك یا خود مضارعك اولنه «زهی. ایا. آیا. چه عجب» ادا تلرینك برینی کتورملکه اولور «زهی کرد. آیا کند. آیا آمد. چه عجب دانست» کبی.

«استطراد» هست. نیست. کیست. چيست. کله لرینك هر بریسی فعل کبی تصریف اولنور.

باب نامی فرع فعل یا ندره در

فرع فعل: «اسم فاعل. اسم مفعول. صفت مشبهه. حال ترکیبی» نامیله درت قسم اولوب هر برلری زیرده خلاصه بیان اولنور لر.

«اسم فاعل» فعل مضارع دن مشتقدر: طریق اشتقاقی فعل مضارعك آخرینی مفتوح قیلوب فتحیه علامت آخرینه برهای رسمیه علاوه و دالك ماقبلنه برنون ساکنه زیاده قلنمغله در. «کننده. داننده» کبی جمعی «کنندگان. دانندگان» کلور.

«اسم مفعول» فعل ماضیدن مشتقدر کیفیت اشتقاقی ماضینك آخرینی مفتوح قیلوب فتحیه علامت آخرینه برهای رسمیه علاوه سیله در «کرده. دانسته» کبی جمعی کردکان. دانستکان کلور.



«صفت مشبهه» امر حاضر ك آخرينه مثبتنده الف ياخود  
الف نون ومنفيسنده اولنه «نا» و آخرينه الف وياخود الف  
نون زياده سيله ياپيلور «دانا. بينا. خندان. كريان. نابينا.  
نادان» کبی.

«حال تركيبي» بر فاعلك اولنه «ماضي تقي» ياخود  
«صفت مشبهه» انضماميله اولور «دويده آمد. دوان آمد» کبی  
فقط صفت مشبهه ايله استعمالی كشيردر «اقتان. حيزان.  
كريزان» کبی.

#### باب ناسع ادوات بيانده در

ادوات ايکي قسمدر: {۱} ادوات بسيطه {۲} ادوات  
مرکبه در. ادوات بسيطه شو: «ا ب ت ث ج د ه و ز ح ط ی ک م ن  
و ه ی» اون بر حرفدن عبارتدر. برنجیسی همزه اولوب  
تنبيه ايچون کلمه نك اولنه داخل اولور «ابی جر مرا» کبی  
ايکنجیسی الفدر والفك بس معناسی واردر که کلمه نك آخرينه  
وفعل مضارعك دالتك ماقبلنه علاوه اولنور {۱} ندا «پادشاهها.

خسروا» کبی {۲} ندیه واستغانه «دردا وحسرتا. خيفا» کبی  
{۳} سؤال وجوابك بينی فرق ايچون «بکفتا» کبی {۴} دعا  
ايچوندر «کناد» کبی {۵} مقابله وتوسل ايچون یعنی ايکی  
کلمه نك براولسنه سبب اولور «چون لبالب باشد آب از کاسه  
ميريزد برون» مصرعنده کی «لبالب» و «سراپا» کبی ادوات  
بسيطه نك اوچنجیسی بادروبانك معانی مشهوره سی اوندر {۱}  
الصاق «بحالش. بمکه» کبی {۲} مصاحبت «بال. بقلم» کبی  
{۳} قسم «بجان خواجه» کبی {۴} ظرفيت «بدوران. بخواب»  
کبی {۵} تشبيه «بكل» کبی {۶} زائده در که سببه دخی ديرلر  
«بطلب» کبی ۱۷. التباس بوبانك در لفظيله معنا جهتدن التباس  
اولديغندن بای التباس ديرلر «بدريادر منافع بی شمارست» کبی  
{۸} توسل ولکن کلمه يه داخل اولدقده مکسور تلفظ اولنور  
«بدانست. بداند» کبی {۹} علت حافظه شيرازينك «اسايش  
دو کیتی تفسير اين دو حرفست. بادوستان تطف بادشمنان  
مدارا» بيتنده کی بالر کبی {۱۰} مضارعه داخل اولور



« بدانند » ده کی با کی ادوات بسیطه نك دردنجیسی ضمیر مخاطب اولان تادر بعضیره اسمانك آخرینه و بعضیره فعللرك آخرینه الحاق اولنور و بوتانك ماقبلی مفتوحدر. « عمرت درازباد » و « دیدمت » کی بعضیره ادواتك آخرینه دخی الحاق اولنور « کرت » کی اگر اسملرك آخرنده و او بولنور سه بوتانك ماقبلنه بریا علاوه ایدرلر « رویت » کی و بوتانك جمعی الف نون ایله در « عمرتان » کی ادوات بسیطه نك بشنجیسی و آخر کلماته لاحق اولان شیندر اودخی ایکی قسمدر:

{۱} ضمیر غائب اولان شیندرکه ماقبلی مفتوح و جمعی الف نون ایله در « عمرش. عمرشان. رویش. رویشان » کی

{۲} امر حاضرK آخرینه لاحق اولور و ماقبلی دائماً مکسور بولنور « روش. دانش » کی بسیطه نك التنجیسی کاف تصغیردر.

« پسرک. دخترک » کی و بوکاف تصغیردن صکره بریای نسبت علاوه اولنسه کاف تصغیر مکسور اوقتور « نهالکی.

هلالکی » کی ادوات بسیطه نك یدنجیسی میم ناهیه درکه امر غائبك اولنه کلد کده نهی امر غائب و امر حاضرK اولنه کلد کده نهی حاضر اولور « مکنند. مکن » کی.

ادوات بسیطه نك سکنزنجیسی نون نافیه در ماضینك اولنه کلد کده ماضی منفی و مضارعك اولنه داخل اولدقده مضارع منفی اولور « نکرد. نکند » کی طقوزنجیسی « واو » و او عاطفه در بو و او عاطفه تلفظ اولنمیوب معطوف علیہك ضمه سیله اکثفا قننور ولکن واو و الف و های رسمیه دن صکره و ضرورت وزن اولان محله ضمه ایله و بعضیره ایجاب محلدن ناشی فتحه ایله تلفظ اولنور و الحاصل معطوف علیہك آخری حرکیه متحمل ایسه و او عاطفه تلفظ اولتماز دکل ایسه تلفظ اولنور « لفظ و معنی. افاده و استفاده » کی. اوننجیسی هادر آخر کلمه یه لاحق اولوب بش معناسی وارددر.

{۱} نسبت « تابه » کی که حرارته منسوب دیمکدر {۲}



لیاقت «شاهانه» کبی که پادشاهه لایق دیمکدر {۳} مقدار  
 زمان «یکروزه» یکساله» کبی {۴} ترتیب «سرنهاده» کبی  
 {۵} های زانده در بوکا های رسمیه وهای علامت دخی  
 دیرلر زیر رسم خطده موجود اولوب تلفظ اولتاز وبرمعنایه  
 دلالت ایتدیکی ایچون های زانده دیرلر «کینه» کبی ولسان  
 عربیدن اخذ اولتان بعض کلهلرک فارسییه نقل اولندیغنه  
 علامت اولق اوزره آخرینه علاوه اولنور «خانه» کبی اون  
 برنجیسی {۱} یادر ویانک اون معناسی واردر: {۱} وحدت  
 «نکاری داشدم عاشق نمی دانم بدوچاره» مصرعنده کی  
 نکارینک یاسی وکذا «مردی» سنکی «کلهلرینک آخرنده کی  
 یالر کبی {۲} تنکیر «یکی» نک یاسی کبی {۳} خطاب «کفتی»  
 چونی» کبی {۴} مصدر «نیکی» جهاندار» کبی {۵} نسبت  
 «لاف مهرش چه زنم اوقرش من حبشی» فهم رازش نکنم  
 اوعربی من عجمی» بیتنده کی یالر کبی {۶} لیاقت «سوختی»  
 کشتی» کبی {۷} توصیف «پیردانایی» کبی {۸} یای اسناد

«رزگری» کبی {۹} حکایه «کردمی» کبی {۱۰} یای زانده در  
 آحرف مد اولان کله اگر مضاف ویا موصوف اوله جق  
 اولورسه بویای زانده بی الحاق ایدرلر «صفای باغ» بوی  
 دلایوز» کبی.

## ادوات مرکبه

ادوات مرکبه پک چوق ایسه ده اک مشهورلری بروجه  
 زیر بیان اولنور:

۱ ادوات تعجبدر «ایا. آیا. زهی. چه عجب» کلهلری کبی.

۲ ادوات شرطدر «ار. ور. کر. اگر» کبی.

۳ در واندر لفظلریدرکه «در» ک بش «اندر» ک ایکی  
 معناسی واردر: {۱} الصاق {۲} ظرفیت بویکی معناده در  
 واندر لفظلری مشترکدر {۳} در لفظی فعللره داخل اولدوقده  
 تخمین لفظ ایچون اولور {۴} دریدن مصدرندن امر حاضر  
 اولور {۵} در لفظی قیو معناسنه اسم اولور ولکن بویکی



معنای اخیره در لفظی ادات اولیوب برنده امر حاضر.  
ایکنجیسنده اسم اولور.

۴ ادات استعلا اولان «بر» لفظیدر «برمن» کبی ولکن  
بو بر لفظی بعضکره «عند» معناسنه ظرف و بعضکره میوه  
معناسنه اسم اولور.

۵ تادر وتانک یدی معناسی واردر {۱} ابتدای غایت  
ایچوندر ترکیده اولان «دن» کبی «تاشدم خلقه بکوش» کبی  
{۲} انتهای غایت «تاک» کبی که نوقته قدر دیمکدر {۳} تحذیر  
وتنبیه «تانکنی» کبی که اکاه اول ایلمیه ساک دیمکدر {۴}  
مادام معناسنه «تادرآید» کبی که مادامکه کله دیمکدر {۵} تعلیل  
«ازمهد تابلد بیاموزپاک زی. تانزد حق وخلق جهان معتبر  
شوی» کبی {۶} ادات شرط اولور «تان نشود این نشود» کبی  
{۷} ادات تعجبدر «خاطر من سوی او تاخاطر او سوی  
کیست» دهکی تا کبی.

۶ ادات نسبتدر اوده سکزددر: {۱} «ی» یادر

«شیرازی» کبی بویا ادات بسیطه دن اولوب ادوات مرکبه دن  
صایلمز فقط ادات نسبتک صره سی بوزلماق و مبتدیله  
ضبطنده سهولت اولمق اوزره بوراده تکرار بر مثال ایله بیان  
قلندی {۲} ین «زرین» کبی که التولی دیمکدر {۳} مند «خرد  
مند» کبی که عقلی دیمکدر {۴} ناک «فرخناک» کبی که فرخلی  
دیمکدر {۵} ور «سرور. هنرور» کبی که اولو و هنرلی دیمکدر  
{۶} وار «سزاوار» کبی که لایقلی دیمکدر {۷} بان «شتربان»  
کبی که دوه جی دیمکدر ۸ یار «هشیار» کبی که عقلی دیمکدر.  
۷ که لفظیدر و که نک درت معناسی واردر {۱} بیان  
«آنست که» کبی {۲} صفتله موصوفک یلنتی ربط ایچون اولور  
«منت خدایرا عزوجل که طاعتش موجب قربتست» دهکی که  
لفظی کبی {۳} تعلیل ایچون حافظ شیرازینک «الایاها الساقی  
ادر کاسا وناولها. که عشق اسان نمود اول ولی افتاد مشکها»  
بیتمده اولدینی کبی {۴} اسم استنهام اولور ولکن بودردنجی  
معناده اسم اولوب ادات دیکدر.



۸ ادات نفی اولان «نانه. نی. بی» لفظ لیدر.

۹ «چو وچون» لفظ لیدر که کبی معناسنه ادات تشبیه وچونکه معناسنه ادات تعلیل اولورلر.

۱۰ زیر اولوب بودخی ادات تعلیلدر.

۱۱ چنین وچنان لفظ لیدر که بونلره ادات تمثیل دینور «چنین روایت کنند. چنان گفت» کبی.

۱۲ «را» اولوب اوچ معناسی وارددر: {۱} تعلیل {۲}

تخصیص {۳} ادات مفعول اولور «چرا. منت خدیرا» و «انکه ایمان دادمشتی خاگرا» ده اولان رالر کبی.

۱۳ وش ادات تشبیهدر «ماهوش» کبی.

۱۴ نیز ادات عطفدر «این نیز بگذرد» و «تو نیز» کبی.

۱۵ هر ادات سوردر «هر که کند بخود کند کر همه نیک و بد کند» و «هر چه بادا باد» کبی.

۱۶ هیچ ادات استغراق اولوب نفی تأکید ایچون اولور «هیچ نکرد» کبی.

۱۷ ولی. لیک. لیکن ادات استثنا واستدراک اولورلر.

۱۸ مکر ادات استنادر «مکر درویش» کبی.

۱۹ تر ادات تفضیلدر «داناتر» کبی.

۲۰ پس جواب شرط ظرف و زمان اولور. «پس اندکی صبر کن» کبی.

۲۱ از ادات ابتدادر «ازمن» کبی.

۲۲ بهر. برای لفظ لری تعلیل ایچوندرلر «برای خاطر. بهر جامه» کبی.

۲۳ آئیدن ادات تعدیهدر «رسانیدن» کبی.

۲۴ با ادات تردیددر «فلانرا زیدامدست یاعمر» کبی.

۲۵ کی وکجا استفهام ایچوندرلر مصراع «کی دهد دست

این عرض یارب که همدستان شوند» حافظ شیرازینک

قولنده کی «کی» لفظی کبی کجایه مثال ینه خواجه حافظک شو:

«کجادانند حال ماسبکباران ساحلها» مصرعنده کی کجا کبی.



بعضكره ادات استفهام مقدر اولور حافظ شیرازينك  
 « بدم گفتی وخرسندم عفاك الله نكو گفتی. جواب تلخ  
 می زیدلب لعل شكر خارا » بیتنده اولدینی کبی.

۲۶ چه لفظیدر که یوقاروده بیان اولنان که کبی استفهام  
 ایچوندر حافظ شیرازينك « زتاب جعد مشکینش چه خون  
 افتادردلها » مصرعنده اولدینی کبی.

۲۷ انکه اسم موصولدرالذی معناسنه بوادوات مرکه نك  
 اکثریسی مبهیات و کنایاب قیلندندر.



خاتمه

بحث ترکیب

۱ ترکیب اضافیدر که مضافه مضاف الیه دن عبارتدر  
 « روز وصال » کبی.

۲ ترکیب توصیفدر که صفتله موصوفدن عبارتدر « روی  
 زیبا. جامه دیبا » کبی.

۳ ترکیب اسنادیدر که مطلقا جمله دن عبارتدر یعنی استر  
 جمله اسمیه اولسون استر جمله فعلیه بولنسون « خدا  
 بزرگست. آمدان ملك سیما » کبی.

۴ ترکیب مزجیدر که کندوسنده صفت وموصوف  
 معناری ملحوظ دکلدر « بدمست » کبی که سرخوش دیمکدر.

۵ ترکیب تعدادیدر « پاتزده » کبی.

۶ وصف ترکیبدر بوده ایکی قسمدر {۱} جزء اولی اسم  
 جامد و جزء ثانیهی امر حاضر اولور « نشاط افزا. دلربا » کبی  
 {۲} ترکیب ایکی جزئی دخی اسم جامد اولوب کندوسنده  
 نسبت معنایی ملحوظ اولور « کندم کون » کبی که بغدادی  
 رنگلی دیمکدر.

بحث مفاعیل

مفعول الی قسمدر: {۱} مفعول بهدر که اسمك آخرینه



بر « را » علاوه سیله حاصل اولور . « خامه رایار » کبی  
 {۲} مفعول الیهدرکه اسمک اولنه بر « ب » زیاده سیله اولور  
 « بدبستان رفت » کبی {۳} مفعول فیهدرکه اسمک اولنه « در »  
 لفظی کتور مکه اولور « در مکتب بودم » کبی {۴} مفعول له درکه  
 اسمک اولنه « بهر . برای » ادا تیرینک زیاده سیله یاپیلور « برای  
 خامه امدم » کبی {۵} مفعول معه درکه اسمک اولنه بر « با »  
 زیاده سیله حاصل اولور « با خامه نوشتم » کبی {۶} مفعول منهدرکه  
 اسمک اولنه « از » ادا تنک زیاده سیله اولور « از خامه  
 بچکید » کبی بو مفعول لک برنجیسنه مفعول صریح و دیگر لرینه  
 مفعول غیر صریح دیتلدیکی اسم بچشنده بیان قلنمشیدی .

امنه مختلفه فارسیه

صبغه لک اسملری و ترکیه معناری

کرد	فعل ماضی	ایتدی
کند	فعل مضارع	ایدر

کردن	مصدر	ایتمک
کننده	اسم فاعل	ایدن
کرده	اسم مفعول	ایتمش
نکرد	جحد مطلق	ایتدی
هیچ نکرد	جحد مستغرق	هیچ ایتدی
نمی کند	نقی حال	ایتمیور
نکند	نقی استقبال	ایتمیه جک
هر آینه نکند	تأکید نفی استقبال	البته ایتیه جک
کند	امر غائب	ایتمسون
مکند	نهی غائب	ایتمسون
کن	امر حاضر	ایت
مکن	نهی حاضر	ایتمه
کردن گاه	اسم مکان	ایده جک مکان
آلت کردن	اسم الت	ایده جک الت



یکبار کردن	مصدر بناء مره	بر کره ایتک
دیگر گونه کردن	مصدر بناء نوع	بر در لو ایتک
کردنک	اسم تصغیر	ایتمه جک
کردنی	اسم منسوب	ایتمکه منسوب
کننده تر	اسم تفضیل	زیاده ایدن
زهی کرد	فعل تعجب	عجب ایتدی

## نطیوی

مصدر ناییدن

مصدر دالبیدن

خواند	خواندن گاه	داشت	دار
خواند	الت خواندن	دارد	مدار
خواندن	یکبار خواندن	داشتن	داشتن گاه
خواننده	دیگر گونه خواندن	دارنده	الت داشتن
خوانده	خواندنک	داشته	یکبار داشتن
نخواند	خواندنی	نداشت	دیگر گونه داشتن

هیچ نخواند خواننده تر	هیچ نداست داشتک
نی خواند زهی خواند	نی دارد داشتی
نخواند	ندارد دارند تر
هر آینه نخواند	هر آینه ندارد زهی داشت
خواند	دارد
نخواند	مدارد
خوان	
نخوان	

تمت





فصلبار مطبعه و كتابخانه‌سی حسابه طبع و مصارف طبعیه‌سی نسبتنده اهون فیثاله نشر اولتان یکی کتابلر

(تدریسات ابتدایی کتخانه‌سی) میاننده بولتان یکی کتابلر	(تدریسات رشديه کتخانه‌سی) میاننده بولتان یکی کتابلر	عدد اسامی کتیب
۱. عدد اسامی کتیب	۱. عدد اسامی کتیب	۱. عدد اسامی کتیب
۲. چوچقلر یاغیه‌سی مصور ۲۰	۲. امثله ایله تحصیل صرفی فرانسوی ۵	۲. ترتیب جدید تعلیم فارسی ۱۰۰
۳. چوچقلر معلومات اولیه ۲۰	۳. علاه‌لی عوامل جدولی ۱۰۰	۳. علاه‌لی مقصود ۱۰۰
۴. اصناف برنجی (کتاب) ۲۰	۴. مجمل جغرافیا (طبع ثانی) مصور ۳۰	۴. سوال جوابی معلم قواعد فارسی ۱۰۰
۵. (ایکینجی) ۳۰	۵. (مقتض) یاخورد صرفی عربی ۲۰	۵. علاه‌لی اظهار ۲۰
۶. لوحه تعلیم اصول استکتاب ۱۰۰	۶. (امثله ایله تحصیل صرف) (فرانسوی - درجه ثانی) ۷۰	۶. خلاصه قواعد فارسی ۲۸
۷. تحریری و شفاهی علم حساب ۲۰	۷. مکمل عثمانی صرفی ۲۰	۷. (تدریسات اهدایه کتخانه‌سی) میاننده بولتان یکی کتابلر
۸. بدایت جغرافیا طبع ثانی مصور ۱۰	۸. تطبیقاتی خلاصه النحو ۳۰	۸. مفتاح الهندسه (طبع ثالث) ۸۰
۹. یکی حساب (برنجی قسم) ۲۰	۹. نوباره قواعد فارسی ۲۰	۹. اصول مثلثات مستویه طبع ثانی ۸
۱۰. (اوکو) یکی رساله اخلاق ۲۰	۱۰. یکی اصول دفتری ۵۰	۱۰. یکی کیمیا رسمی ۱۰۰
۱۱. (دینی و وظائف اطفال) ۲۰	۱۱. مختصر تاریخ عثمانی ۲۰	۱۱. فذکره جغرافیا ی عمومی ۵۰
۱۲. (القبای عثمانی ترکیه دن) ۲۰	۱۲. کاتباته برنظر مجمل تاریخ عمومی ۴۰	۱۲. یکی فن ماکنه شکلی ۸۰
۱۳. (فرانسوی) ۲۰	۱۳. علاه‌لی بنا جدولی ۱۰۰	۱۳. علمی نظری نواصول علم حساب ۱۲۰
۱۴. تاریخ نظمیه کوچک تاریخ عثمانی ۱۰	۱۴. یکی حساب (ارنجی قسم) ۷۰	۱۴. مسائل ریاضیه (قسم اول - جبر) ۲
۱۵. فائده‌لی قرائت ۲۰	۱۵. یکی القبای فرانسوی ۱۰۰	۱۵. مسائل مثلثاتیه ۸۰
۱۶. معتمدیله قرائت کتابی ۱۰۰	۱۶. علمی نظری مختصر هندسه ۵۰	۱۶. (مجامع الادب دن اصول) فصاحت ۲۰
۱۷. مختصر یکی حساب (لاحقه) ۳۰	۱۷. ازهار گلستان ۲۰	۱۷. «علم معانی» ۱۰۰
۱۸. مختصر صرف عثمانی (مصور) ۳۰	۱۸. مفصل نحو عثمانی ۲۰	۱۸. «علم بیان» ۲۰
۱۹. رهبر اولا یاخود اسماء ترکیه ۱۲۰	۱۹. رهبر املا ایکینجی قسم ۲۰	۱۹. «علم بدیع» ۲۰
۲۰. مختصر جدید قواعد عثمانیه ۱۰۰	۲۰. (علاه‌لی نمونه انشای) ۲۰	۲۰. «علم عروض» ۲۰
۲۱. منتظم القبای عثمانی ۳۰	۲۱. (فرانسوی و ترکی) ۲۰	۲۱. «فن قافیه» ۱۰۰
۲۲. تعلیم بنات (قرره قرائت) ۲۰	۲۲. مختصر تاریخ اسلام ۴۰	۲۲. مخطوطه بلاغت ۱۰۰
۲۳. (امدان لاحقه‌سی) (طرز) ۳۰	۲۳. یکی حساب (دردنجی قسم) ۲۰	۲۳. مجامع الادب دن اقسام شعر ۱۰۰
۲۴. (جدید القبای عثمانی) ۳۰	۲۴. علاه‌لی نصیحت حکما ۱۰۰	۲۴. «احوال تحریر» ۱۰۰
۲۵. بدایت جغرافیا (خریطه‌لی) ۱۰۰	۲۵. (خلاصه جغرافیا ی عثمانی) ۲۰	۲۵. «اصول خطابت و کتابت» ۱۸
۲۶. چوچقلر منشآت ۲۰	۲۶. (برنجی قسم) (آوردی عثمانی) ۲۰	۲۶. «اصول تنقید» ۲۰
۲۷. سوال و جوابی تجوید ۲۰	۲۷. (مفتاح یاخود صرفی عربی) ۲۰	۲۷. مسائل ریاضیه دن (حساب) ۱۰۰
۲۸. رقه مشقی مجموعه‌سی ۳۰	۲۸. (ایکینجی دفتر) ۲۰	۲۸. «(جبر) درجه ثانی» ۲۱
۲۹. بدایت جغرافیا اطلسی ۱۰۰	۲۹. مجمل جغرافیا اطلسی ۱۰۰	
۳۰. یکی حساب (یا شالافج) ۳۰	۳۰. قواعد علم انشادن اصول انشا ۲۰	
۳۱. یکی حساب (ایکینجی قسم) ۲۰	۳۱. قواعد علم انشادن فنون انشا ۵	
۳۲. هیأت ارض (کوچک جغرافیا) ۲۰	۳۲. (المان دایرین) ۲۰	
۳۳. رقه خطیه مکتوب نمونه‌لی ۲۰	۳۳. (جیبده بولنون) (فرانسه) ۵۰	
۳۴. (لوحه تعلیم یاخود اصول) ۱۰۰	۳۴. (جهدن ترکیه به لغت) ۵۰	
۳۵. (استکتاب) (ایکینجی قسم) ۱۰۰	۳۵. (المنظیات فی تطبیقات) ۳۰	
۳۶. (اجتبیله مخصوص القبای عثمانی) ۱۲۰	۳۶. (خلاصه جغرافیا ی عثمانی) ۵	
۳۷. نواصول القبای عثمانی ۲۰	۳۷. (ایکینجی قسم) (اسیای عثمانی) ۵	
۳۸. تعلیم بنات (ایکینجی قسم) ۳۰	۳۸. (تاریخ نظمیه دن کوچک) ۲۰	
	۳۹. (تاریخ مسلمین) ۲۰	

(تدریسات عالییه کتخانه‌سی)  
میاننده بولتان یکی کتابلر

۱. عسکری ایستالیتیک جداولی  
۲. انکلیزجه القبای  
۳. المانجه القبای  
۴. فرانسه لسانک تدریسته  
۵. (دائر اصول)